

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-906/22
Sarajevo, 01.02.2022. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 11. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnik Mehmed Karkelja-

1. Molim nadležne da na ulazu u prostorije MZ Otoka postave nadstrešnicu, urade rasvjetu ispred ulaznih vrata a na bočnom zidu da se postavi konzola za zastavu.

2. Molim nadležne da na pješačkoj stazi u ulici Brčanska od broja 17 do ulaza u Osnovnu školu „Mehmedalija Mak Dizdar“ postave rukohvate sa izgradnjom tri stepenice na kraju staze za pješake posebno učenike nižih razreda kako bi isti mogli neometano i sigurno kretati posebno u zimskim uslovima.

3. Molim nadležne da ispred ulaza u Osnovnu školu „Mehmedalija Mak Dizdar“ sa zapadne strane postave fizičku barijeru (metalne ili betonske stubiće) kako bi se spriječilo nesavjesnim vozačima parkiranje automobila koji onemogućavaju nesmetan ulazak djece u školu.

Obrazloženje:Na zapadnom prilazu i ulazu u Osnovnu školu „Mehmedalija Mak Dizdar“ u naselju Otoka nesavjesni vozači svakodnevno parkiraju osobna vozila posebno u ranim jutarnjim satima čime je onemogućen prilaz i nesmetan ulazak djece u ovu obrazovnu ustanovu. Postavljanjem fizičke barijere ovaj problem bi bio riješen.

4. Molim nadležne da na lijevoj obali Miljacke (na kraju mosta MCCLOSKEY) postave zaštitnu metalnu ogradu u dužini od pet metara čijim postavljanjem bi bili zaštićeni pješaci a posebno djeca od nesretnog slučaja upada u rijeku Miljacku.

-vijećnica Maja Muftić Dedović-

1. Pokrećem inicijativu za rješavanje saobraćajne infrastrukture na A transverzali da se postavi ograda protiv buke ili zvučna barijera ili da se izda odobrenje za gradnju od strane nadležnog organa u skladu sa projektom zaštite od buke. Razlog za postavljanje zaštitne ograde jesu brojni automobili koji saobraćaju ovim pravcem i stvaraju buku stanovnicima čiji stanovi i kuće su u neposrednoj blizini.

2. Podnosim inicijativu prema resornom Ministarstvu da se pokrene procedura uspostavljanja školske autobuske linije, tačnije da se uvede školski prevoza za djecu iz OŠ ”Avdo Smajlović”.

3. Podnosim inicijativu da se pristupi asfaltiranju i izgradnji rasvjete u ulici Vladimira Preloga do br. 9.

4. Molim vas da nam dostavite sljedeću informaciju: Spisak nevladinih organizacija kojima je ustupljen prostor Općine Novi Grad Sarajevo, te po kojoj renti plaćaju isti?

5. Molim vas da nam dostavite izvještaje o realizaciji projekata "Planinarska škola" od strane PSD Zlatni Ljiljan za svaku godinu kada je projekat realizovan u zadnjih 5 godina?

-vijećnica Enisa Spahić-

1. Inicijative prema preduzeću „ Lokom“ da u program Zimskog održavanja puteva uključe ulicu, Republike Bugarske, dionicu od 300 m pored Franjevačke teologije (Samostana i Bogoslovije) jedinu visokoškolsku ustanovu na području Općine Novi Grad.

U više navrata sam pokretala inicijativu i dobijala pozitivan odgovor, međutim u praksi nikada nije realizovan.

2. Vijećničko pitanje, kada su u planu zamjene starih rasvjetnih tijela na stubovima ulične rasvjete duž ulica:

- Aleja Bosne Srebrene
- Republike Bugarske
- Branislava Nušića
- Fra Antuna Kneževića
- Asima Behmena

postojeće sijalice se često kvare i ne osvijetljavaju dovoljno ulicu zbog čega je ugrožena sigurnost pješaka?

3. Inicijativu JUDZKS Ambulanta porodične medicine Saraj polje

Zbog pogoršane higijensko epidemiološke situacije molim da se razmotri mogućnost ponovnog naručivanje pacijenata u tačno određeno vrijeme, zakazivanjem termina, kako bi se smanjilo vrijeme provedeno u čekaonici (hodniku), smanjile gužve i poštivala socijalna distanca. Trenutno pacijenti satima zajedno čekaju u malom hodniku ispred Ambulantne porodične medicine DZ Saraj polje na red za prijem kod porodičnog ljekara.

-vijećnik Adi Škaljić-

1. Upućujem vijećničku inicijativu da nadležna općinska služba prema nadležnom ministarstvu uputi hitan dopis za sanaciju ulične rasvjete u dijelu ulice Esada Midžića (općina Novi Grad Sarajevo) i to krak ulice na potezu sjeveroistočno od dragstora (kod br 50.) prema brojevima 62 i 64 pa do kraja kraka ulice. Inicijativu podnosim na osnovu molbi građana.

OBRAZLOŽENJE Kako su građani istakli u razgovoru, rasvjetna tijela na ovom potezu ili ne rade ili su toliko slabe svjetlosne snage da skoro nemaju funkciju. U večernjim satima je otežano kretanje a postoji i bojazan za djecu koja se navečer vraćaju iz škole. Ovo stanje traje već nekoliko godina.

Molimo da se postave nova rasvjetna tijela odgovarajuće svjetlosne snage.

2. Na molbu građanki i građana okupljenih u neformalnu grupu „Spas u zadnji čas – Spasimo Dobrinju“ upućujem vijećničku inicijativu za dostavljanje fotokopija sljedeće dokumentacije, koja je bila uslov za izdavanje urbanističke saglasnosti za izgradnju HIFA kompleksa u ulici Kurta Schorka:

Elaborat zaštite od požara urađen od strane Vatro sistemi d.o.o. broj EL. ZOP.002-02-VS/21, od januara 2021. godine;

Stručna ocjena tehničke dokumentacije po osnovu primjene mjera zaštite od požara i eksplozije i zaštite na radu.

OBRAZLOŽENJE U cilju bolje informisanosti građanki i građana Dobrinje, ali i mene kao vijećnika, molim nadležne iz ministarstva da mi dostave fotokopije navedene dokumentacije.

-vijećnica Aida Ožegović-

1. Postavljanje usporivača saobraćaja u ulici Afdema Buće do broja 521

Obrazloženje: Na sjednici OV 28.10.2021. sam podnijela inicijativu da se postave usporivači brzine u ulici Adema Buće 521 i za 3 mjeseca ništa nije riješeno i dalje se dešavaju saobraćajne nesreće na istom lokalitetu te vas molim da odmah pošaljete Urgenciju Ministarstvu za saobraćaj da se ovaj problem riješi. Naime, u pitanju je opasna krivina, imovina i život stanovnika je u opasnosti i molim za hitno rješavanje ovog problema. U prilogu su fotografije nekih od saobraćajnih nezgoda.

2. Sanacija/asfaltiranje ulice Trg sarajevske olimpijade

Obrazloženje: Navedena ulica, počevši od kotlovnice do atomskog skloništa, je u katastrofalnom stanju. Molim da mi odgovorite u čijoj nadležnosti je održavanje iste, te da prosljedite inicijativu za asfaltiranje iste.

3. Za ponovno otvaranje ambulante u Aerodromskom naselju

Obrazloženje: Naime, stanovnici Aerodromskog naselja već dvije godine su uskraćeni za zdravstvene usluge koje su koristili u ovoj ambulanti, zbog pandemije.

Sve vrijeme, stanovnici Aerodromskog naselja moraju ići u ambulante Dobrinje, Saraj polje i Otoke gdje su velike gužve, svi su dodatno opterećeni, od zdravstvenog osoblja do pacijenata. Kada se prijavite da ste iz Aerodromskog naselja nailazite na neodbravanje, jer dodatno na ovaj način opterećujemo već opterećene ambulante stanovništvom iz ulica koje pripadaju istim.

Građani su pojedinačno pisali i obraćali se Ministarstvu zdravstva KS, Domu zdravlja KS i na kraju smo dobili informacije da se trebamo obratiti i Opštini NG.

Predlažemo da se ova inicijativa uputi pored OJ Novi Grad i na ambulante: Kumrovec, Saraj polje i na Ministarstvo zdravstva KS, kako bi pokušali ovaj problem što prije riješiti i aktivirati prekinuti rad ambulante u Aerodromskom naselju.

-vijećnik Mirza Memišević-

1. da se ponudi bankama da u naselju Saraj Polje naprave manju poslovnicu. Građani ove mjesne zajednice već duži niz godina nisu u mogućnosti u svom naselju vršiti bilo kakve uplate jer u naselju ne postoji ni poslovnica Pošte ali ni poslovnica bilo koje banke.

2. S obzirom da se ignorisanjem postavljenih pitanja zašlo u grubo kršenje Poslovnika o radu Općinskog vijeća Novi Grad Sarajevo Član 97. Stav 7 još jedanput ponavljam pitanja i insistiram na odgovorima Predsjedavajućeg Općinskog vijeća Mirze Selimbegovića koji se prema navedenom članu stara da vijećnici dobiju odgovore: Da li je na obilježavanje godišnjice stradanja u Kalinoviku otišlo rukovodstvo ili dio rukovodstva Općinskog vijeća ili neki drugi vijećnici? Na koji način je napravljen odabir vijećnika koji su išli na obilježavanje? Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovik - Sarajevo i obrnuto. Kojim povodom su, ako su bili, posjetili Umoljane?

-vijećnik Elvis Hodžić-

Pokrećem inicijativu da se napravi registar lica koji stanuju u iznajmljenom stanovima i mehanizam kojim bi se stanodavci obavezali da daju informacije MZ.

-vijećnica Merjem Ridžal-

Na prošloj sjednici Općinskog vijeća pokrenula sam inicijativu u vezi tačke „Sigurnost učenika u saobraćaju“ da se na području Mjesne zajednice Švrakino Selo II u donjem dijelu ulice Sulejmana Pačariza Hodže riješi pitanje pješačkog prolaza. U odgovoru službe stoji da će se u navedenoj ulici graditi serpentine. Tražim od službe da mi dostavi n koji način će se graditi serpentine, odnosno idejni projekat istih, te vremenski rok kad će se graditi.

-vijećnica Elza Gaković-

1. Inicijativa za uspostavljanje autobusnog stajalista

Iniciram uspostavljanje autobusnog stajalista kod pijace Heco (Bulevar Mese Selimovica) prema Ilidži.

Na ovoj lokaciji već postoji izgrađeno autobusko stajaliste.

Iniciram prema nadležnom ministarstvu saobraćaja izdavanje saglasnosti za korištenje linija:

Stup - Sokolje

Stup - Rječica

Stup - Vogošća

Stup - Zabrdje (Smiljevići)

Ovo stajalište olašalo bi svakodnevnicu korištenja prevoza stanovnicima mjesnih zajednica:

Briješće, Naselje heroja Sokolje, Zabrdje, Reljevo.

2. Postavljam vijećničko pitanje obzirom da nadležna ministarstva nisu odgovorila na moju inicijativu od 28.10. 2021. a da smo dočekali početak drugog polugodišta bez regulisanog prevoza učenika.

Ponavljam inicijativu.

Na inicijativu VR OŠ "Sokolje" i VR OŠ "Mustafa Busuladžić" već drugi put iniciram uvođenje đачkog minibusa. Obrazloženje: Epidemiološka situacija uzrokovana Covidom te povećan broj oboljelih dovoljan je razlog za uvođenje đачkog minibusa. Dodatni razlog je i nedostatan kapacitet autobusa javnog gradskog prijevoza. Onako kako je uvedena đачka linija u Vogošći na već postojeću liniju javnog gradskog prijevoza "Blagovac - Vogošća" i "Stup - Vogošća" uspostavljene su đачke linije Tihovići - OŠ "Mirsad Prnjavorac" i OŠ "Zahid Baručija" i linija Krivoglavci 1 i 2 - OŠ "Mirsad Prnjavorac" i OŠ "Zahid Baručija". Iniciram uvođenje đачkog minibusa po istom principu obzirom na postojanje opravdanosti uvođenje i veliki broj školske djece na relaciji "Briješće Brdo - OŠ Sokolje" i "Reljevo - OŠ Mustafa Busuladžić".

28.10 2021

3. Postavljam pitanje obzirom na inicijativu koja je jednoglasno usvojena od strane OV Novi Grad Sarajevo i koja je imala svoj rok izvršenja da li su nadležna ministarstva razmatrala pitanje RCUO Smiljevići te da li je zakazana tematska sjednica Skupštine kantona Sarajevo po sljedećoj inicijativi od 29.07.2021.

Tačke tematske sjednice bile bi:

Zanemarivanje provođenja zaključaka jednoglasno izglasanih na tematskoj sjednici održanoj 12.09.2019. godine.

Takođe tražim da dio operativnog tima budu i izabrani predstavnici građana tj vijećnici mjesnih zajednica koje se teritorijalno nalaze uz trup RCUO "Smiljevići".

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a